

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

vnd sah daryn ein wainend kind. erbarmete sich
 sein vnd sprach. Ditz ist von den kinden der he-
 breer. Die Schwester des Kindes dy sprach zu ir
 wiltu das ich gee. vnd vorder eyn hebreysche
 frauen die dir müg erzihen das kind. Sy ant-
 wurt. Gee. vnd die diern gieng vnd rufft irer
 muter. Vnd die tochter pharaons redet zu ir.
 vnd sprach. nym das kind vñ zeuhe mir das. vñ
 ich gib dir deinen lon. Das weyb nam das kind
 vnd erzoh es. vnd do es nun was gewaschen.
 antwurt sy es der tochter pharaons. sy erwelte
 in ir an der stat zu einem sun. vñ hieß seinen na-
 men moyses. sagend. Wann ich hab in genomē
 von dem wasser. In den tagen nach dem vnd
 moyses was gewachsen. do gieng er auß zu sei-
 nen brüder vnd sah ir zwangtsal vnd eynen
 egipter mann schlagen eynen von den hebreern
 seyner brüder. Er sah sich vmb hyn vnd her. vñ
 als er nymand vmb sich sahe. do erschlug er dē
 egipter vñ verbarg in yn den sand. Vnd gieng
 auß an dem andern tag vnd sah zwen hebreer
 kriegen. vnd sprach zu dem der da yennem vn-
 recht tett. Warumb schlechstu deynen nechste
 Er antwurt. wer hatt dich gesetzt eyn fürsten
 vñ ei vrtelzer ober vns. Wiltu auch mich erschla-
 hen. als du gester erschlugest dē egipter. Moy-
 ses der fürchte sich vnd sprach. Wie ist das of-
 fenbar worden. Vnd pharao der hört dise red.
 vnd sücht moysen zutöten. Er floh von seyner

angefiht vnd wonete in dem land madian. vnd
 sah bey dem brunnen. Nun hett der priester vō
 madian siben töchter. die komē zu schöpfen dz
 wasser vnd do sy gefülte die rymen. do beger-
 ten sy zetrencken dy hertte irs vaters. Die hirt-
 ten kamē auch vñ wurffen sy herdan. do stund
 auff moyses vnd beschirmet dye dirnen. vnd
 trenckt ire schaff. do sy hettē widerkeret zu ie-
 thro irem vater. do sprach er zu in. Warumb seyt
 ir als schier komē. den es ist gewonlich. Sy ant-
 wurten ein man egipter hat vns erlost von der
 hand der hirtte vñ hat mit vns geschöppfet dz
 wasser. vñ gab zutrinckē dē schaffen. Er sprach
 wo ist er. warumb habt ir gelassen disen mann
 ruffend im. das er esse das brott. Moyses der
 schwur das er wolt bey im wonen. Vñ er nam
 sephoram seyn tochter zu eynem weybe. sye ges-
 bar eynen sun den hieß er gerson. sagend. Ich
 was fremd in eynem fremden lannde. vnd sye
 gepar emen andern den hieß er eliezer. sagend.
 wan got meynes vaters der ist meyn helffer. vñ
 hat mich erlöset vō der hand pharaons. Nach
 vilzeyt. der künig von egipto starb. die sün isra-
 hel dye sewfftzen vnd schryen von der wercke
 wegen. Vnd ir ruff stig auff zu got von dē wer-
 cken. vnd hört ir ersewfftzen vñ gedacht des ge-
 lübs. das er hett gemacht mit abraham. vnd
 mit ysaac. vnd mit iacob. vnd der herr schaut dy
 sün israhel. vnd erkand sye.

